

ARTICULUS IV.

Utrum metus irritet Contractum?

Nota 1. Metus definitur in Jure: *Futuri & instantis periculi causa mentis trepidatio*, id est, inquietudo & perturbatio. Alius est gravis, alius levis. Gravis alius absolute gravis, qui dicitur cadens in constantem virum, quo nempè timetur malum grave & imminens, ut mors, exilium, durus carcer &c. Respective gravis est, quo licet non moveretur vir constans, moveretur tamen meticulosus, ut puer, femina, senex. Levis est, quando timetur leve malum, aut grave quidem, sed non imminens. Ad metum absolute gravem revocatur metus reverentialis, quo quis sibi timet Parentes, vel Superiores graviter infensos & minantes: quod si absint minæ & gravis indignatio, potest dici levis, nisi forte respectivè ad filiasfamilias, quibus est genium meticulosum. Nota 2. Metus oriri potest, vel a causa naturali, ut a morbo, incendio, tempestate; vel a causa libera, homine scilicet: & hic vel justè, vel injustè incutitur. Item incutitur, vel in ordine ad contrahendum, vel ad alium finem.

Suppono 1. Omnem contractum, initum ex metu gravi a causa naturali incusso, esse validum; idem dic de voto; quia, licet sit involuntarius secundum quid, quatenus non fieret, si abesset metus, est tamen omnibus consideratis hic & nunc simpliciter voluntarius: contrahens enim voluntarie atque prudenter eligit contrahere ut minus malum, ad evitandum majus: de quo fusiùs in tractatu de actibus humanis, ubi communitè traditur, ea, quæ sunt ex metu, esse involuntaria secundum quid & voluntaria simpliciter. Hinc puella naufragans, quæ promittit liberantem se matrimonium, aut pecuniæ summam, tenetur promisso. Suppono 2. Omnem contractum, initum ex gravi metu a causa libera justè incusso, esse validum; quia non solum talis contractus est simpliciter voluntarius, ut modò dicebam de precedenti, sed etiã metus, seu periculum, in quo versatur contrahens, est ipsi voluntarium in causa, neque de illo tanquam de injuria conqueri potest. Hinc, si quis metu excommunicationis, aut alterius sententiæ infamantis ducit, aut dotat puellam, quam sub promissione Matrimonii defloravit, valet Matrimonium, vel dotis collatio.

Neque refert, quòd Lucius III. C. *Requisivit; De Sponsal. & Matrim.* loquens de muliere, quæ sponsalia jurata adimplere recusabat, dicat: *Quòd, cum libera esse debeant Matrimonia*, mulier hæc potius monenda est, quàm cogenda: his enim verbis Pontifex non negat, Matrimonia justo metu inita esse valida, sed consulit dumtaxat, ut hæc mulier, quantum fieri potest, bonis rationibus suaderet, potius quam vi cogatur: Quia, inquit, *Coactiones difficiles exitus solent habere*; non dicit, ut vides, quia invalida sunt talia Matrimonia; quod indubiè dixisset, si sic esse credidisset.

Suppono 3. Omnem contractum, initum ex gravi metu a causa libera injustè incusso, sed non in ordine ad contrahendum, esse validum; saltem, si non ineat cum illo, qui metum incussit: v. gr. Detentus a sicanis advocas transeuntes in auxilium, & eis promittit summam pecuniæ, tenet promissio; non solum quia est simpliciter voluntaria ut in precedentibus, sed etiã quia iste metus, licet sit occasio promissionis, non tamen est causa, sed tua libera voluntas, quæ prudenter & libere eligit hoc medium ad evadendum mortem præter intentionem metum incipientis. Adde, quod si, quibus promittit, non faciant tibi injuriam, sed e contra opus utile præstant. Dixi: *Saltem si non ineat cum illo, qui metum incussit*, de quo modò. Hi, inquam, omnes Contractus secundum communem sententiam sunt validi tam Jure naturali, quam civili; neque etiã ad nutum metum passi sunt rescindibiles, quia si, quibuscumque contrahit, non faciunt ipsi injuriam.

Restat ergo difficultas de Contractu, inito ex gravi metu injustè incusso in ordine ad Contractum, aut equidèmet etiã sine ordine ad Contractum, si Contractus ineat cum ipso vexante. Et questio est de Jure naturæ. Quidam asserunt, omnes hujusmodi Contractus indiscriminatim esse Jure naturæ validos: quidam excipiunt Matrimonium. Alii distinguunt inter Contractus, quorum objectum est sola liberatio ab injusta vexatione, & dicunt, hos esse Jure naturæ validos, cum quibus

Dico 1. Contractus, cujus objectum est sola liberatio a vexatione, seu metu injusto, est Jure naturæ invalidus

sive metus incutitur in ordine ad Contractum, sive non modò tamen in hoc ultimo casu Contractus tenetur cum incutiente metum. Sit casus: mihi minas mortem, aut incendium, nisi promittam, vel dem tibi, aut alteri 100. aureos; en metus in ordine ad Contractum. Item: mihi ex odio & vindicta tentas inferre mortem, vel incendere horreum meum, ut ab hac injusta vexatione cesses, promitto, vel do tibi 100. aureos; en metus, qui non fuit incussus in ordine ad Contractum, Contractus tamen proponitur & acceptatur ad averendum illum metum & injustam vexationem. Dicit itaque conclusio, talem contractum in utroque casu esse Jure naturæ invalidum.

Quidam probant conclusionem ex hoc, quòd hujusmodi contractus non sit sufficientè voluntarius, sed perperam. Non enim est minus voluntarius, quàm contractus, de quibus antè diximus, & de quibus modò dicemus, cum in omnibus idem principium militet, nimirum ea, quæ sunt ex metu, esse simpliciter voluntaria. Ratio ergo conclusionis est; quia in hujusmodi contractibus deest materia, de qua possit validè contrahi. Prob. vexans contrahens ex sua parte nihil aliud confert, quàm liberationem, seu cessationem ab injusta vexatione; atqui hæc cessatio non est vendibilis, nec vexans potest validè ea contrahere: ergo. Prob. min. hæc cessatio est ex justitia debita vexato, habet enim jus strictum, ne quis cum metu injusto vexet, & vexans tenetur ex justitia cessare a vexatione, imò tenebatur non facere vexationem: ergo hæc cessatio, seu liberatio a vexatione non est magis vendibilis, quàm justa Sententia sit vendibilis a Judice, aut quàm meus equus furto sublati sit mihi a Jure vendibilis. Et hoc etiã verum est, quamvis metus sit levis; liberatio enim a vexatione, sive gravi, sive levi, est vendibilis. Undè injustè vexans tenetur statim, & non expectata Judicis sententia, restituere; quod accepit, cum nullo titulo retinere possit. Neque enim confugere potest ad titulum spontaneæ promissionis, aut donationis, cum evidens sit non esse hæc spontaneam promissionem, neque donationem, quæ debet esse liberalis & gratuita, sed esse contractum onerosum innotuatum, *do, ut factas*.

Dico 2. Contractus, cujus objectum est aliud quàm cessatio ab injusta vexatione, initus ex gravi metu injustè incusso, in ordine ad contractum, etiã cum ipso vexante, est Jure naturæ validus. Prob. Talis contractus est simpliciter voluntarius, & aliunde non deest materia, de qua possit contrahi: ergo. Antecedens pro 1. parte patet ex dictis; patet etiã pro 2. dum enim me metu cogis, v. gr. commutare metum hortum eum tuo, aut cum orto vicini, non obstante metu, hortus tuus non secus, ac meus est pretio æstimabilis & vendibilis, utpote non idè mihi debitus ex justitia. Similiter, dum Annam metu adigis, ut tibi, vel alteri nubat, corpora contrahentium, non obstante metu, remanent materia apta contractui matrimoniali: ergo. Neque refert, quòd vexans faciat injuriam vexato; hæc enim injuria non facit, quòd id, quod vexans ex parte sua confert, puta hortum, ut in exemplo allato, sit vexato debitum ex justitia, & invendibile, seu incommutabile; neque impedit, quin vexatus voluntarie consentiat in contractum; si enim eodem metu cogere tur ad actum de se malum, consentiendo peccaret; quia non obstante injuria voluntarie consentiret.

Dices: matrimonii vinculum est perpetuum, & semel validum amplius solvi non potest: ergo Jure naturæ videtur requirere pleniorè consensum, quàm ceteri contractus rescindibiles, proindeque non coactum. Confirmit. Vinculum matrimonii est vinculum amoris; atqui metus injustus impedit amorem: ergo. Ità Daëman. R. Fatetur rationi consentaneum esse, ut matrimonium propter suam indissolubilitatem pleniorè consensum ineat, quam ceteri contractus rescindibiles, & idè Jus positivum, aut etiã forte Jus gentium matrimonium metu contractum irritavit: verum inde non probatur, id necessariò Jure naturæ requiri; aliud enim est, quòd ratio aliquid suadet ut congruum; aliud, quòd aliquid præcipiat ut necessarium. Sed ad hoc vinculum videtur Jure naturæ sufficere tale voluntarium, quale sufficit ad peccatum mortale, quòd inducit etiã vinculum perpetuum damnationis, & quale sufficit ad vinculum indissolubile voti solemnis: ad hæc autèmet Jure naturæ sufficit voluntarium metu coactum.

Dico 3. Probabile est, contractus, quos precedente conclusione dixi Jure naturæ valere, etiã Jure positivo esse validos, paucis exceptis. Prob. conclusio ex variis Legibus, inter quas L. 21. ff. *de eo quod metus causa*, dicitur: *Si metu coactus adii hereditatem, quò me hæc dem officio quia, quamvis, si liber fuisset, noluissem, tamen coactus*

ARTICULUS V.

Quinam possint validè contrahere.

Generalitèr loquendo si omnes & soli, qui habent rerum suarum administrationem, possunt validè contrahere; quia in contractibus agendis consistit præsertim administratio. Undè, qui sunt incapaces administrationis, ut amentes, & furiosi, vel si, quibus ex toto auferitur a Jure bonorum administratio, ut sunt prodigi, quibus constituantur Curatores, inhabiles sunt ad contrahendum; itèmet & Religiosi sine licentia sui Prælati. Difficultas est potissimum circa Filiosfamilias, Pupillos, Minorenes, & Uxores. Pro quo

Nota 1. Infans dicitur, qui non complevit 7. ætatis annum, sive sit mas, sive femina. Impubes dicitur, qui nondum complevit 14. ætatis annum, si sit mas, & 12. si sit femina. Impubes dicitur pubertati proximus, qui magis appropinquat ad terminum, in quo incipit pubertatem, quàm ad terminum, in quo desinit infantia: unde mas, qui complevit 10. annum cum dimidio, est pubertati proximus; & femina, quæ complevit 9. annum cum dimidio, est pubertati proxima. Mas ab anno 14. completo, & femina a 12. completo usque ad annum 25. completum, dicuntur Puberes, & Minorenes, post 25. completum, dicuntur Majores, sive sit mas, sive femina.

Infanti, vel impuberi, qui dicitur Pupillus, deficiente Patre, aut avo paterno datur Tutor; Minoreni Curator. Tutor datur primariò ad regendam personam pupilli, secundariò ad administranda ejus bona. Curator e contra datur Minoreni primariò ad administranda ejus bona, secundariò ad regendam ejus personam. Pupillo etiã invito dandus est Tutor L. 2. ff. *De tutela*. Sed Minoreni invito non est dandus Curator §. *Item invito instur. De curat.* Si tamen Minorenis Curatorem suscipit, cogitur esse sub illo: similiter, si Pater Testamento puberi dedit Curatorem §. 1. Inst. *ibid.* Minorenis, a fortiori Pupillus sine Tutore, vel Curatore non admittitur in judicio, sive ut reus, sive ut actor, nisi in causis spiritualibus, puta, beneficii, aut matrimonii, & his annexorum.

Tutela est triplex, testamentaria, legitima, & dativa. Testamentaria est, quando Pater, aut alter instituens heredem designat in suo testamento Tutorem Pupillo heredi. Legitima, quando assumitur in Tutorem proximus agnatus. Dativa, quando datur Tutor a Judice.

Filiusfamilias dicitur, quando sub Patris, aut Avi paterni potestate existit, etiamsi compleverit vigesimum quintum annum. Quot modis Filiusfamilias patriam potestatem exuat, & fiat sui juris, dicitur dissert. 3. de Jure art. 4. sub finem; require.

Duplex est obligatio: una naturalis, vi legis naturalis, & quoad forum poli: altera civilis, vi legis positivæ, & quoad forum fori. His notatis,

Suppono, infantem, sive sit Filiusfamilias, sive Pupillus, nullatenus posse per se contrahere sibi in suum incommodum, sive in suum commodum: quia infans præsumitur in Jure non habere sufficientem judicium ad contrahendum: unde dicitur §. *Sed quod inst. De inutil. stipular.* l. 3. tit. 30. *Infans, & qui infantie est proximus, non multum a furioso distans, quia hujusmodi ætatis pupilli nullum (id est, non sufficientem) habet intellectum.* Porro quamvis his verbis infantie proximus, non secus ac infans, videatur declarari inhabilis ad contrahendum, probabile est tamen eum posse contrahere in suum commodum; quia ibidem subditur: *Sed in proximis infantie propter utilitatem eorum benignior Juris interpretatio facta est, ut idem juris habeant, quòd pubertati proximi.* Pupilli autèmet pubertati proximi contrahere possunt in suum commodum, ut ibidem dicitur, & dicemus infra. Est tamen hic notanda disparitas inter Pupillum, & Filiumfamilias impubere: quòd Pupillus, sive infans, sive infantie proximus, auctore possit Tutore obligari? at Filiusfamilias infans, aut infantie proximus: *Nec auctore quidem Patre obligatur §. Sed quod 10. cit.* Ratio disparitatis est, quòd Pupillus Tutorem obligatum habeat, & ipsum possit convenire, si malè consensum præstet, non sic Filiusfamilias Patrem. His notatis, & suppositis.

Circà Filiosfamilias.

Dico. Filiusfamilias pubes, aut pubertati proximus, etiã absquè consensu Patris obligatur tam civilitèr, quàm naturalitèr, ex omni contractu, qui non cedit in præ-

